



醫學源流

三皇

伏羲皇帝

吳唐

大昊伏羲氏風姓代燧人氏而王蛇身人首始畫八卦造書契以代結繩之政制嫁娶以儷皮為禮結網罟教佃漁養犧牲以庖厨故曰庖犧

歷代名醫圖贊曰

茫茫上古 世及庖犧 始畫八卦 爰分四時
究病之源 以類而推 神農之降 得而因之

神農炎帝

炎帝神農氏姜姓人身牛首繼風姓而立火德王斷木為耜揉木為耒始教耕作蜡祭以赭鞭鞭草木嘗百草始興醫教人日中為市交易而退淮南子云神農嘗百草之滋味一日而七十毒由是醫方興焉蓋上世未著文字師季相傳謂之草本

歷代名醫圖贊曰

仰惟神農 植藝五穀 斯民有生 以化以育
慮及天傷 復嘗草木 民到于今 悉沾其福

軒轅黃帝

黃帝姓公孫名軒轅又曰姬姓有熊國君少典之子炎帝世衰諸侯相征伐軒轅乃習用干戈以征不享平定天下殄滅蚩尤以土德王天下內經素問序云安不忘危存不忘亡求民之瘼恤民之隱者往聖之用心也在昔黃帝之御極以理身緒餘治天下坐明堂之上臨觀八極考建五常以謂人之生也負陰而抱陽食味而被色外有寒暑之相盪內有喜怒之交侵天昏札瘥國家代有將欲斂時五福以敷錫厥庶民乃與歧伯等上窮天紀下極地理遠取諸物近取諸身更相問難垂法後世於是雷公之倫受業傳之而內經作矣

歷代名醫圖贊曰

偉哉黃帝 聖德天授 歧伯俞附 以左以右

道養精微 日窮日究 利及生民 勿替于後

天師岐伯

素問內經問答岐伯為黃帝之師故稱之曰天師岐伯全元起有說素者本也問者黃帝問於岐伯也方陳性情之源五行之本故曰素問岐伯世師僦貸季

名醫圖贊曰

天師岐伯 善答軒轅 製立素問 始顯醫源

伯高

素問靈樞經論順逆論五味及衛氣失常論客邪伯高有答黃帝問難之語

鬼臾區

素問內經天元紀大論有答黃帝之語

俞附

林改之作歷代名醫圖序有云俞附前腸滌臟云云

少俞

素問靈樞經論勇論痛論五味少俞有答黃帝問難之語

少師

靈樞經憂悲無言篇及通天論少師有答黃帝問難之語

桐君

軒轅以前文字未傳如六爻指垂畫象稼穡即事成迹至於草本藥性所主當以識識相圖不爾何由得聞至于桐雷乃著在於編簡草本應與素問同類至後人張機華佗輩遂為本經後人多更修飾之爾

太乙雷公

黃帝坐明堂召引雷公問拯濟生靈之道因而授之事見素問內經十一卷著至教論篇由是雷公醫道益著有炮炙論其序載在本草云公姓雷名敷名醫圖贊曰

太乙雷公

醫藥之宗

灸燔炮熅

千古無窮

馬師皇

馬師皇者黃帝時馬醫也知馬形生死診治之輒愈後有龍下向之垂耳張口皇曰此龍有病知我能治乃鍼其唇下口中以甘草湯飲之而愈後數數有疾龍出其波告而求治之一旦龍負皇而去

列仙傳贊曰

師皇典馬

既無殘駟

精感群龍

術兼殊類

靈虬報德

弭鱗銜轡

振躍天漢

粲有遺蔚

按歷代名醫圖

三皇時有仇貸季

為岐伯祖世之師
理色脉而通神明

五帝

按歷代名醫圖

五帝時有巫咸伊尹

殷

伊尹

伊尹發內經素問之蘊者湯液之論名醫圖伊尹作五帝時人在巫咸之次愚按伊尹相湯以王於天下當在三代殷商之世豈姓字相同者乎今移于此以俟識者而校之

周

范蠡

范蠡字少伯徐人也事周師太公望好服桂飲水為越大夫佐勾踐破吳後乘輕舟入海變名姓適齊為鴟夷子更後百餘年見於陶為陶朱君財累億萬號陶朱公復棄之蘭陵賣藥後人世世識見之云

列仙傳贊曰

范蠡御桂

心虛志遠

受業師望

載潛載儻

龍見越鄉

功遂身返

脫屣千金

與道舒卷

按歷代名醫圖

周時有七人未詳出處

巫彭 矯氏 俞氏 盧氏 鑿匈 文摯 鳳綱

秦

醫平緩

晉侯有疾求鑿于秦秦伯使醫緩為之未至晉侯夢疾化為二豎子曰彼良醫也懼傷我焉逃之其一曰居膏之上盲之下若我何鑿至曰疾不可為也在膏之上盲之下藥不能達針不能及侯曰良醫也厚禮而遣之

鑿平和

國語晉平公有疾秦伯使醫和視之文子曰鑿及國家乎

對曰上鑿鑿國其次鑿人固官鑿也乃謂趙孟曰疾不可為也是謂近女室疾如蠱非鬼非食惑以喪志趙孟曰何謂蠱對曰淫溺惑亂之所生也於文四蟲為蠱在周易女惑男風落山謂之蠱昏同物也趙孟曰良鑿也

長桑君

扁鵲少為舍長舍客長桑君過扁鵲奇之常謹遇之長桑君曰我有藥方年老欲傳與子乃出懷中方飲以上池之水三十日當知物矣扁鵲如其言從此視病盡見五臟之癥結

神應玉扁鵲

秦越人號扁鵲盧國渤海人得素問靈樞之旨設為問答
作八十一難以釋疑義其間榮衛度數尺寸部位陰陽
王相藏府虛實脈法證病與夫經絡流注針刺俞穴莫
不該備為鑿之祖焉

傳曰越人至魏魏太子暴死越人曰此尸厥也可活乃針
維會穴隨手而起

扁鵲見齊桓侯曰君疾在腠理不治將深桓侯曰寡人無
疾後五日復見曰君疾在血脉不治將深五日復見曰
君疾在腸胃不治將深後五日望見桓侯即退走曰疾
居腠理湯熨之所及也在血脉針石之所及也在腸胃
酒醪之所及也今在骨髓雖司命無柰之何後五日桓
侯召之扁鵲逃去桓侯遂死然則學未至鑿可易言哉

名鑿圖贊曰

秦神扁鵲 精研醫藥 編集難經 古今欽若

安期生

安期先生琅琊阜鄉人也賣藥於東海邊時人皆言千歲
翁秦始皇東遊請見與語三日三夜賜金璧度數千萬
出於阜鄉亭皆置去留書以赤玉舄一量為報曰後數
年求我於蓬萊山始皇即遣使者徐市盧生等數百人
入海未至蓬萊山輒逢風波而還立祠阜鄉亭海邊

列仙傳贊曰

寥寥安期 虛質幽靈 乘光適性 保氣延生
聊悟秦始 遺寶阜亭 將遊蓬島 絕影清冷

崔文子

崔文子太山人也世好黃老事居潛山下後作黃散赤丸成石父祠賣藥都市自言三百歲後有疫氣民死者萬計長吏之文所請救文擁朱幡繫黃散以循人門飲散者即愈所活者數萬後在蜀賣黃散故世寶崔文赤丸黃散實近於神

列仙傳贊曰

崔文得道

術兼秘奧

氣厲降喪

仁心收悼

朱幡電麾

神藥捷到

一時獲全

永世作効

按歷代名醫圖有秦三人

大鑿令李醢

李豹

子陽扁鵲弟

西漢

倉公淳于意

太倉令淳于意精窮鑿道齊王太后病召意入診脉曰風痺客脾難於大小便溺赤意飲以火齊湯一飲即前後溲通再飲病已溺如故病得之流汗出滌滌者去衣而汗稀也所以知太后病者診其脉切其太陰之口涇然風氣也脉法曰沉之而大堅浮之而大緊者病主在腎切之而相反也脉大而躁大者膀胱氣也躁者中有熱而溺赤見史記淳于意傳

名醫圖贊曰

漢淳于意 時遇文帝 封贈倉公 名傳萬世

淮南子

按漢書紀云淮南子姓劉名安乃厲王之長子文帝十六年安紹封淮南王為人好讀書精鑿術招賓客方士作內書二十一篇外書甚眾又著鴻烈解本草藥性多經其註武帝元狩元年淮南國廢改為九江郡因號淮南子也

樓護

本草補注序有云舊說本草經神農所作而不經見漢書藝文志亦無錄焉平帝紀云元始五年舉天下通知方

術本草者在所為駕一封軺傳遣詣京師樓護少誦諸

經本草方術數十萬言本草之名蓋見於此

元車公楊慶 秦信 王遂 宋邑 公孫光
馮信 高期 王禹 唐安 杜信 玄谷

東漢

張仲景

張機字仲景南陽人也為長沙太守深於鑿道稱為亞聖錄草本藥性作神農本經二卷又廣湯液為傷寒卒病論合十六卷垂萬世不易之法然後鑿乃大備先聖後

聖若合符節至晉王叔和以仲景之書撰次成叙得成全帙遂為衆方之祖今世但傳傷寒論十卷雜病未見其書或於諸家方中載其一二矣如金匱方要亦有遺意焉

漢張仲景表裏實虛傷寒論證載名亞聖

郭玉

郭玉廣漢人也後漢和帝時為侍郎為人善別脉知人生死帝令童男衣女子之衣詐云其病使玉診脉玉曰此女誰言病據脉狀陽盛陰虛臣謂非女帝善之遷五官中郎將

按歷代名醫圖東漢有

程高 涪翁 沈建 杜慶 魏沉 張伯祖

魏

華佗

魏志曰甘陵相夫人有娠腹痛不安方得六月佗視脉曰胞已死矣使人手摸知所在在右則女在左則男其以曰在左於是為湯下之果下男形而愈又有人病腹中攻痛十餘日鬢髮墮落佗曰是脾半腐可割腹治也使飲藥令卧破腹就視脾果半腐壞以刀斫之割去惡肉以膏傅之即差魏太祖聞而異之召佗常在左右太祖苦頭風每作心亂目眩佗針葛隨手而愈漢魏已來名醫益衆張機華佗輩始因古學附以新說通為編述本

草由是見於經錄然舊經才三卷藥止三百六十五種
謂之神農本經 名醫圖贊曰魏有華佗 設立瘡科 神効巧多

李當之

李當之華佗弟子也修神農舊經作藥錄

吳普

吳普亦華佗弟子也廣陵人撰本草一卷作藥錄

封君達

封君達魏國人善醫號青牛道士

魏有 樊阿 韓康

吳

呂廣

呂廣吳人為大醫令重編難經按德用補注難經歷代
傳之一人至魏華佗乃燼其文於獄下於晉宋之間雖
有仲景叔和之書然各示其文而濫觴其說雖吳呂廣
重編此經而尚文義差迭按此則難經為燼餘之文其
編次復重經呂廣之手固不能無缺失也按名醫圖有
呂博無呂廣予疑博即廣也

負局先生

負翁先生不知何許人語似燕代間人常負磨鏡局循吳市中街磨鏡一錢因磨之輒問主人得無有疾苦者即出紫丸藥以與之得者莫不愈如此數十年後大疫病家至戶到與藥治之活者萬計不取一錢其人乃知其真人也後主吳山絕崖頭懸藥下與人將去時語人曰吾還蓬萊山為汝曹下神水崖頭一旦有水白色流於石間取飲之多愈疾因立祠焉

列仙傳贊曰

負翁神湍 被褐含秀 術兼和鵲 心託宇宙
引彼蓬萊 灌此絕岫 欲返蓬萊 以齊天壽

董奉

董奉吳人居廬山治病無不應效病重者種杏五株輕者

一株遂成林號董仙杏林

蜀

唐慎微

唐慎微不知何許人傳其書者失其邑里族氏避 御諱改謹微因其見聞之所追博采而備載之於本草圖經之外又得藻數百種益以諸家方書與經子傳記佛書道藏凡該明乎物品功用者各附於本藥之左其為書三十有一卷目錄一卷六十餘萬言名曰經史證類備急本草察其為力亦勤矣而其書不傳世罕言之迨宋

大觀中集賢孫公得其本而善之邦計之暇命官校正
與本經及名醫別錄唐本圖經與刊定重定會集成一
募工鏤板以廣其傳是謂之大觀本草

韓保昇

韓保昇偽蜀人為翰林學士蜀主孟昶嘗命保昇等以唐
本圖經參校為書稍或增廣世謂之蜀本草
按歷代名醫圖蜀有李譔偽蜀主孟昶

西晉

王叔和

王叔和西晉高平人也為大醫令性度沉靜尤好著述博
通經方精意診切洞識脩養之道其行事具唐甘伯宗
名醫傳中譔脉經十卷脉訣數卷脉賦一卷

名醫圖贊曰

晉王叔和 方脉之科 撰成要訣 普濟沉痾

李子豫

陶隱居序本草有云李子豫善醫嘗合赤丸能祛鬼邪病
傳入藏府服之隨即瘥

皇甫謐

皇甫謐字士安號玄晏先生博通古今聚書萬卷精於醫

術作甲乙經

名醫圖贊曰

皇甫士安

治法千般

經言甲乙

造化寔難

張苗

晉書云張苗雅好醫術善消息診處陳廩立得病服藥發汗汗不出衆醫云汗不出者死苗乃燒地布桃葉於上蒸之即得大汗便於被下傳溫粉候身極燥乃起即差

張華

晉尚書張華字茂先精窮鑿道善觀察天文地理嘗見斗間有異氣密謂雷煥曰寶劍之精當在豐城華舉煥為

豐城令掘獄基入地得石函中有寶劍二題曰龍泉大阿送一與華及華被誅失劍所在煥卒其子佩經延平津忽腰間躍水使人求之但見兩龍相繞懼而還乃知異物終當化去

宮泰

劉德

史脫

靳邵

趙泉

阮德

裴頠

裴顗

陶隱居云自晉代已來有張苗富泰劉德史脫靳邵趙泉
李季豫等皆一代良醫其貴勝阮德如張茂先裴逸民
皇甫士安及江左葛洪蔡謨商仲堪諸名人等並研精
藥術

東晉

葛洪

葛洪字稚川丹陽人仕晉為句漏令覽究典籍尤好神仙
道養之法隱居羅浮山鍊丹得仙號曰葛仙翁在山積
年優游閑養著述不輟撰經効方三卷名曰肘後救卒
方又曰肘後備急方又著神仙書名曰內篇外篇凡一
百一十六篇又號曰抱樸子因以名書云終年八十一
殯入棺後舉棺輕發棺視之惟衣而已世以為尸解云

范汪

范汪東晉時人嘗注本草藥品有方百餘卷無傳名醫圖
作范注陶隱居云余祖世已來務敦方藥本有范汪方
一部斟酌詳用多獲其効內護家門傍及親族其有虛
心告請者不限貴賤皆摩踵救之凡所救活數百千人
自余投纓宅嶺猶不忘此日夜翫味常覺欣欣焉

蔡謨

商仲堪

按歷代名醫圖

西晉有

蔡謨

商仲堪

仰道士

支法存

東晉有

程據

今據陶隱居云蔡謨商仲堪江左人移東晉

南宋

徐熙

宋徐熙字秋夫善醫為射陽令常聞鬼吟呻甚憐苦秋夫
曰沒是鬼何如此答曰我患腰痛死雖為鬼猶痛苦尚
不可忍聞君善醫願求救秋夫曰鬼類無形何由措置
鬼云縛章作人子依之但取孔穴鍼之秋夫如其言鍼
腰俞二穴肩井二穴設祭而埋之明日見一人來謝曰
蒙君治療復為設祭病今已愈感惠實深忽然不見秋
夫曰夫鬼為陰物病猶告醫既愈矣尚能感激來謝况
於人乎其鬼姓名斯

徐文伯

宋太子善醫書出苑見一有孕婦太子自為診之是一女
令文伯亦診之乃一男一女太子性急欲剖腹視之文
伯曰自請鍼之今落於是瀉足二陰交補手陽明合谷
胎應鍼而落果如文伯之言愚按宋太子即少主元徽
又按南史記范雲為陳武帝屬官武帝寵之將有九錫之
命在旦夕矣雲忽感傷寒之疾恐不得預召徐文伯診
視以其事實告願得速愈文伯曰便愈甚易只恐二年
後不復起耳雲曰朝聞道夕死可矣况二年乎文伯以
火燒地布桃葉設席置雲於上頃刻間汗解撲以溫粉
翌日愈雲甚喜文伯曰不足喜也後二年果卒

少主元徽

胡洽

秦承祖

羊欣

陶隱居云宋有羊欣元徽胡洽秦承祖齊有尚書褚澄徐
文伯嗣伯群從兄弟療病十愈八九凡此諸人各有所
撰用方觀其指趣莫非本章者乎或時用別藥亦循其
性度非相踰越

歷代名醫圖

南宋有 道度 秋夫 長子 叔嚮 秋夫次子

薛伯宗

徐仲融

僧深

劉洎子

齊

褚澄

齊光祿大夫褚澄仕至尚書建平孝王妃姬寺皆麗無子
擇良家未笄女入御又無子知澄善醫問曰求男有道
乎澄對曰合男女必當其年男雖十六而精通必三十
而娶女雖十四而天癸至必二十而嫁皆欲陰陽完實
然後交合則交而孕孕而育育而為子堅壯強壽今未
笄之女天癸始至已近男色陰氣早洩未完而傷未實

而動是以交而不孕而不育育而子脆不壽此王之
所以無子也大王誠能訪求多男婦人媒至官府有男
之道也王曰善未再暮生六男

徐之才

徐之才精明醫藥作本草藥對長子林卿次子同卿皆善
於醫

徐嗣伯

齊書曰秣陵人張景患腹脹面黃醫莫能治嗣伯曰此石
蛇爾極難瘳當得死人枕煮服即往古塚中取枕煮服
之得大利并蛇虫頭堅如石者五升即差又有人媪患

滯冷嗣伯診之曰尸疰也亦教之煮死人枕而愈後沈
僧慧惠眼痛多見鬼物嗣伯曰邪氣入肝可煮死人枕
服亦就愈王晏問曰三病不同治差則一何也曰石蛇
者久蛇鑿瘡既瘳其蛇轉堅世間藥不能遣須鬼物驅
之而散尸注者鬼氣也伏而不起令人沉滯須鬼物促
之夫邪氣入肝使眼痛而見魘魘應須鬼物以鈎之是
故三者皆用死人枕也氣因枕去故復埋於塚間也

按歷代名醫圖

南齊有

張子信

馬嗣明

張遠遊

北齊有

龍樹王菩薩

顧歡

李元忠

崔李舒

李密

祖挺

鄧宣文

顏光祿

梁

正白先生陶景

正白先生初不知何許人亦不知姓氏名鑿圖作貞白先生
按開寶重定本草序云本草舊經三卷至梁正白先生
陶景乃以別錄參其本經朱墨雜書時謂明白而又考
彼功用為之注釋列為七卷南國行焉未必陶景號正
白先生耶恐只一人矣又名鑿圖梁列貞白先生次蘇
恭次陶弘景則各自是一人矣

今按書林廣記梁陶景謚正白先生况蘇恭唐人則名醫
圖之誤也明矣

一作陶弘景重選章本藥品二百六十五種增入舊經作
七卷謂之名鑿別錄自號隱居先生按段成已題葛氏

肘後備急方序有曰華陽陶景曰葛之此製利世實多
但行之既久不無謬誤乃著百一方疏于備急之後訛
者正之闕者補之附以炮製服食諸法纖悉備具開卷
見病備急益宜觀葛陶二君世共知為有道之士於學
無不貫於術無不通故謂之華陽陶隱居補闕肘後百
一方

後魏

按歷代名醫圖

後魏有王顯 徐審 徐雄審之子

後周

按歷代名醫圖

後周有徐之範 杜善方 姚僧坦

隋

巢元方

巢元方為大醫博士隋煬帝大業六年奉 敕撰病源候
論五十卷今謂之巢氏病源

楊上善

楊上善隋朝人精通內經素問纂為大素

全元起

隋志全元起訓解黃帝內經一十八卷素問即其經之九

卷鍼經九卷共十八卷即內經也揚玄操云黃帝內經
二帙帙各九卷隋書經籍志謂之九靈王冰名為靈樞

按此各經圖

隋有

徐敏齊

許智藏

唐

藥上真人孫思邈

孫思邈京兆華原人也七歲就學日誦千言及長盛談莊
老百家之說周宣帝時以王室多事隱於太白山學道
鍊氣養形求度世之術洞曉天文推步精究醫藥審察
聲色通蘊仁慈凡所舉動務行陰德用心自固濟物為
功偶出路行見人欲殺小青蛇已傷血出思邈求其人

脫衣贖而救之以藥封裹放於草間後出行見一白衣
少年僕馬甚盛下馬迎拜謝言小弟昨蒙所救父母欲
相見以別馬載思邈偕行到一城郭門庭煥赫人物繁
盛儼若王者之居少年延思邈入見一婦端美白帽
絳衣侍從甚眾欣喜相接謝曰前者小兒偶出忽為愚
人所傷賴道者救贖獲全其命感再生之恩乃命女子
領一青衣小兒出拜思邈省思嘗救青蛇但不知此何
所也心甚異之潛問左右曰此涇陽水府也恰帽乃命
設酒饌妓樂以宴思邈辭以辟穀服氣惟飲酒耳遂以
輕綃珠金贈於思邈堅辭不受乃取龍宮所頒藥方三
十首與思邈謂曰此真可以濟世救人俄命僕馬送歸
思邈深自以為異歷試諸方皆有神效後著千金方三

十卷散龍宮之方在其內又著脉經一卷皆盛行於世
隨文帝徵為國子博士不就唐高宗召拜諫議大夫復
固辭年九十餘視聽不衰永徽三年二月十五晨起
沐浴儼其衣冠端坐而化月餘顏色不變舉屍入棺如
空已尸解矣

名醫圖贊曰

唐孫真人 方藥絕倫 扶危拯弱 應効如神

藥王韋慈藏

藥王姓韋氏名訊道號慈藏醫中之聖藥中之王靈應如
神人皆仰之今醫家皆圖繪其像而祀之
名醫圖贊曰

大唐藥王 德號慈藏 老師韋訊 萬古名楊

啓玄子王冰

按唐人物志冰仕唐為太僕令年八十餘號啓玄子篤好
醫書精通素難按黃帝內經十八卷素問即其經九卷
內駭第七卷鍼經九卷共十八卷隋書經籍志鍼經九
卷謂之九靈王冰改名靈樞冰乃精勤博訪詢謀得失
得先師張公秘本一以參詳因而撰註用傳不朽兼舊
藏之卷合八十一篇分二十四卷於是內經聖意燦然
昭明素問玄言豁然敷暢後之學者何其幸歟

楊玄操

楊玄操大唐人明方脉好直言嘗註解八十一難經

蘇恭

蘇恭唐高宗顯慶中為朝議郎行右監同府長史騎都尉與許孝崇等採撫本草差謬表請刊定

許孝崇

許孝崇為大中大夫行尚藥奉御

李世勣

唐司空英國公李世勣與蘇恭許孝崇等參考本草得失又增一百一十四種分門部類廣為二十卷世謂之唐

本草圖經

孟詵

孟詵仕唐為光祿卿精於醫藥著食療本草刊行于世

李含光

李含光唐人著本草音義賜號玄靜先生


陳藏器

陳藏器唐人著本草拾遺

時賢

原亮

三十三



唐翰林學士時賢撰胎前十八證

何若愚

何若愚南唐人字公務少習醫業既得鍼法撰指微論三卷探經絡之原蹟鍼刺之理又作指微針賦貞元初常山間明廣為之註解今載鍼灸四書之首

周顧

明皇雜錄有黃龍奉使交廣回周顧謂曰此人腹中有蛟龍上驚問黃龍曰如有疾否曰臣馳馬大庾嶺時當大困且渴遂飲水覺腹中堅否如石顧遂以硝石及雄黃煮服之立吐一物長數寸大如指視之鱗甲具投之水

中俄頃長數尺以苦酒沃之如故明日已生一龍矣上甚訝之

梁新

唐崔魏公鉉夜暴亡召良醫梁新診之曰食毒僕曰常好食竹雞新曰竹雞多食半夏苗必是半夏毒乃命搗生姜汁而灌之即活

按歷代名醫圖有宋俠 張文仲 蘭陵處士蕭炳

許備宗 李盧縫 王方慶 甄權 元珠先生

甄立言 楊損之 秦鳴鶴 張鼎 陳仕良

五代

日華子

日華子按各醫圖作五代時人本草藥性多經日華子註
姓陳氏

宋

劉翰

馬志

宋開寶中兩詔醫工劉翰道士馬志等相與編集本草又
取醫家常用有效者一百三十三種而附益之仍命翰

林學士盧多遜李昉王祐扈蒙等重為刊定由是本草
乃有詳定重定之目並鏤板摹行由此醫者用藥遂知
適從

掌禹錫

大明叔宋部載劉禹錫劉唐人也恐字
誤欽今改劉作掌蓋掌禹錫宋人也

宋光祿卿直秘閣同校正醫書

林億

宋尚書祠部郎中秘閣校理同校正醫書

蘇頌

宋太常博士集賢校理同校正醫書

張洞

高保衡

秦宗古

朱有章

宋仁宗慶曆間詔命儒臣尚書都官負外郎孫奇騎都尉
高保衡林億等重校神農本草經纂次神醫普救太平聖
惠重定鍼灸俞穴校正內經素問脈經千金外臺傷寒
論玉函金匱等書嘉祐間又詔劉禹錫林億蘇頌張洞

高保衡等相次被選仍領醫官秦宗古朱有章等編繹
連年作慶曆善救方簡要濟眾方既而補註本草成書

孫兆

孫兆宋仁宗朝將仕郎守殿中丞習通醫經內經素問重
加改正刊誤又有傷寒脈訣

王夔

傳曰王夔少習醫方尤精鍼石遠近知名嘉祐中縣人張
方文因暮宿於廣陵廟中其女有一物假作其婿因被
魅惑而病夔為治之一鍼有一祟從女被中走出而病
愈矣

范九思

傳曰宋仁宗嘉祐中有太傅程公守於江夏因母之暴疾喉中患癰卒然而長氣塞不通命醫者止可用藥治之勿施鍼以損之衆醫不敢措治召醫博范九思云有藥可療須用未使新筆點之癰便差公遂取新筆與之九思乃以點藥上癰藥到則有紫血頓出漸氣通而差公曰此達神聖之妙矣命九思飲而求其方九思大笑曰其患熱毒結於喉中塞之氣不宜通病危甚公堅執用藥不可鍼若從公意則必誤命九思曾用小針藏於筆頭中妄以點藥乃鍼破其癰而効也若非此何紫血隨下也公方省而歎且善之

劉元賓

劉元賓自號通真子宋神宗熙寧間人精通方脈嘗補註叔和脈訣作診脈須知傷寒總括脈要秘訣等書刊行于世

劉温舒

劉温舒字哲宗元符時人為朝散郎大醫學司業作素問入式運氣輿論刊附靈樞經卷末

許叔微

許叔微字知可白沙人宋翰林學士年少未遇時嘗以登

科為禱一夕夢神告曰汝欲登科須憑陰德叔微自念
家貧無力惟醫乃可於是精意方書又乃通妙人無高
下皆急赴之既而所活愈多聲名益著復夢神授以一
詩曰藥有陰功陳樓閣處堂上呼盧喝六作五是年登
第六名進士第上一名陳祖言下一名樓材及注闕用
升甲恩如第五名授職官以歸與詩中之言無差此則
濟人之病急者也後為學士著傷寒百證歌集本事方
等書並行世

鮑志大

鮑志大江南括蒼人官至承直郎博學宏詞科精通醫術
編集醫書會同

錢乙

宋朝錢乙字仲陽汶陽人也精小方脉尤得其妙著小兒
方藥直訣為世專科門人閻孝忠所纂集也按海山省
翁活幼口議云晋朝醫工錢乙著小兒方訣又按養生
必用方卷末附說閻孝忠議初虞世所著必用方謂中
風不可吐小兒瘡癩當轉瀉一說誤人甚多蓋初虞世
乃宋哲宗紹聖時人雖五代後晉至此百有餘年况前
晋年代愈遠則錢氏宋朝人也必矣

初虞世

初虞世宋哲宗紹聖中人居靈泉山蒲池寺善會院撰次

古今錄驗卷生必用方

龐安常

龐安常宋哲宗元祐時人自號蘄水道人以醫聞淮甸嘗著傷寒論有脉法其畧曰鄉人皆為我能與傷寒語我察傷寒與四溫變辨其疑似而不可亂也故定傷寒於喉手配覆溢於尺寸寓九候於浮沉分四溫於傷寒此皆扁鵲畧開其端而余參以內經諸書考究而得其說審而用之順而治之病不得逃焉詳見醫說歛人張子充留意於醫長聞載水龐安常善醫徑從之游一日丐者扣門自言為風寒所苦龐以藥濟之丐者問當用何湯教龐君見其手執敗蒲扇指以此煎湯調服

子充初不省其意乃曰豈非本草所謂敗蒲扇能止汗者乎龐曰然翌日其疾果愈子充辭歸嘆曰龐君用藥真善矣

何澄

宣和間有一士人抱病經年百治不瘥聞何澄善醫其妻召至引入密室中告之曰妾以良人抱疾日久典賣殆盡無以供醫藥之資願以身相酬澄正色拒之曰小娘子何出此言但放心當為調治取効切不可以此言相污萬一外人知之非獨使澄醫藥不効不有人誅必有鬼責未幾其夫疾愈何澄一夕夢入神祠有判官語之汝醫藥有功不於艱難之際以色慾為貪亂良人婦女

上帝令賜汝錢五萬貫官一資未數月東宮得疾國醫不能治有詔召草澤醫澄乃應詔進劑而愈朝廷賜錢五萬貫與初品官自後醫道盛行遂置殷富京師號為何藥院家見張李明醫說

聶從志

儀州華亭人聶從志良醫也邑丞妻李氏病垂死治之得生李氏美而淫慕聶之貌他日丞出李偽稱疾邀之伺其至語之曰我幾鬼錄賴君復生無足以報願以身供枕席之奉聶驚而趨出迨夜李復出就之聶絕袖脫去後歲餘儀州推官黃靖國病陰吏追入寘證事還至河邊見獄吏捽一婦人剖其腹滌其腸問其故吏曰此汝

同官某之妻也欲與醫聶通聶不許聶良醫善士壽止六十以此陰德遂延一紀仍出世子孫一人官婦人減筭如聶所增之數今滌蕩其腸洗其淫也靖國素與聶善既覺以其事告之聶驚曰方私語時無人聞而奔來我處亦無人知因異之聶後果七十二歲終一子登科其孫圖南紹興中為漢中維縣丞見夷堅志

朱肱

朱肱宋政和中人以奉議郎致仕號無求子著傷寒百問武夷張藏序其書曰張長沙南陽人也著傷寒論其言雖詳其法難知奉議公傷寒百問蓋祖述其說神而明之以遺惠天下後世余因揭其名為南陽活人書

張渙

宋徽宗太子壽王聰慧幼時常發癇疾諸大名醫莫之能愈時有北方醫士張渙挾盡貨藥于都下召之入內用藥即効官至翰林醫正留方五百有餘逐病叙說深參其要近傳于世云

陳承

宋陳承將仕郎措置藥局檢閱方書

裴宗元

宋裴宗元試大醫令兼措置藥局檢閱方書

陳師文

宋朝奉郎守尚書庫部郎中提轄措置藥局陳師文與裴宗元陳承等同選編太平惠民和劑局方

寇宗奭

寇宗奭宋徽宗政和間授承直郎澧州司戶撰成本草衍義二十卷轉添差充收買藥材所辨驗藥材通直郎

陳言

陳言字無擇宋高宗紹興中青田鶴溪人著三因極一病源論粹凡十八卷一百八十門得方一千五十餘道

湯民望

湯氏民望宋南渡時東陽人精小方脈求者不擇貧富悉
治療如法其子麟登進士第一人以為陰德之報麟子衡
尤邃於此學因以得官遂述其家傳有明驗方二十卷
刊于會稽郡齋謂之曰嬰孩寶書

莊綽

莊綽字季裕清源縣人宋高宗建炎中官至朝奉郎前江
南道都總管同幹公事以醫顯於時熟砭熯之微乃取
膏肓腧穴灸法著書作圖刊行于世今附鍼灸四書中
是也

李知先

李知先字元象號雙鍾處士宋孝宗乾道中人撰傷寒百
問次韻成歌便於記誦因名曰活人書括

楊倓

楊倓宋孝宗淳熙間代郡人世傳醫業有家藏方三十卷
行于世

溫大明

溫氏大明五世行醫宋淳熙間為保義郎差充殿前司提
點諸班醫藥兼和劑局監收買藥材官後棄利名隱居

求志取家傳秘方并生平行用有應效真散及古今諸方良法叶韻成詩謂之隱居助道方服藥須知

許洪

許洪宋寧宗嘉定中仕大醫助教差充四川總領所檢察惠民局營增校和劑局方具註本草藥性於方藥逐品之下附以吳直閣等得効名方及諸局經驗秘方又編次和劑指南總論

張松

松字茂之宋嘉定中授承節郎監饒州城商稅著究源方及傷寒百問經絡圖方十餘卷行于世

王璆

王璆宋寧宗慶元中人號是齋作百一選方

詹端方

詹端方宋時建安人纂次本草類要鏤板行世

杜光庭

杜光庭號廣成先生特進檢校太傅太子賓客主管大學士戶部侍郎徽國公選王函經上下卷

丁德用

丁德用宋朝人有難經補註

紀天錫

紀天錫宋朝人居益麓註解黃帝難經三卷

謝復古

謝復古宋人有難經註

錢聞禮

錢聞禮宋李建寧府通判作傷寒百問歌九十三首既以龍溪隱士湯尹才所撰傷寒解感論刊附卷首合為一書尹才乾道時人良醫也

郭稽中

郭稽中宋大觀時人作產後二十一論與唐翰林時賢胎前十八證合謂之胎產真經板行

陳文中

陳文中字文秀宿州維揚人為和安即判大鑿局兼翰林良鑿著小兒痘疹經驗方金亡歸宋處漣水十五年理宗淳祐中與保安即翰林鑿正鄭惠卿同編校幼幼新書陳氏又有小兒病源方論一卷

陳自明

白明字良甫臨川人宋理宗嘉熙中為建康府明道書院
醫諭著婦人良方及管見良方又有外科精要宋立續
作婦人良方補遺刊附各卷

鄭端友

端友宋理宗淳祐中人集金嬰方論行于世

楊志瀛

楊志瀛字登爰福州三山人號仁齋宋理宗景定中人著
直指方活人摠括嬰兒秘要等書刊行

黎民壽

民壽字景仁宋景定中參釋氏號黎居士初註玉函經後
作簡方斷病提綱決脉精要俗謂之醫家四書

王惟一

宋咸淳間翰林醫官朝散大夫殿中省尚藥奉御騎都尉
王惟一奉 敕編脩銅人腧穴鍼灸圖經凡五卷

朱佐

朱佐字君輔咸淳間人有集驗良方刊板印行

嚴用和

廬山嚴用和宋度宗咸淳間人作濟生方論凡八十門製

方凡四百餘道釐為十卷又續方三十四評論義精詳
曲盡其意

李駒

李駒字子楚號晞范子宋咸淳間臨川人集註叔和脈訣
又有難經句解並行世

按歷代名醫圖宋有

趙從古 孫用和 宋道方 王從蘊 吳復圭

曹孝忠 王光祐 陳明遇 安甫良 翟煦

賈祐 蔣淮 張素

金

李源

李源字巨川金時名醫也名醫圖作李道源竇太師序流
注摘要後有云李君巨川以鍼法救疾除疾病於目前
愈瘥疾於指下信所謂伏如橫弩應若發機萬舉萬全
百發百中加以好生之念素無竊利之心嘗謂予曰天
寶不付於非仁聖道須傳於賢者僕不揆遂伸有求之
懇獲垂無吝之誠授穴之所秘者四十有三瘥疾而弗
瘳者萬千無一云云

竇漢卿

竇氏名傑字漢卿古肥人官至太師以醫學顯於世得鍼

灸法遂著鍼經指南大金時人燕山寶桂芳序鍼灸四
書曰余先君漢卿公以藥與艾見重於當時士大夫如
兩崑吳憲與以借補憲司官醫助教之職連齋游憲親
為書其藥室曰燕山活濟堂至元丙子以來余挾父術
遊於江淮間得遇至人授以鍼法且以子午流注鍼經
寶漢卿鍼經指南三書見遺余乃拜而受之珍藏翫味
大有進益且喜其姓字醫術與余先君同也因是作而
言曰南北有二漢卿姓同字同而為醫亦同也地之漢
卿得時行道鍼法精於八穴以愈疾名顯于世官至太
師南之漢卿隱居求志惟以藥與艾推積活人濟世之
功由是觀之信矣南北氣質之不同達則為相不達則
為醫亦其志之出處異矣

成無已

成無已金國人嘗注詳仲景傷寒論

張子和

張子和宛丘人大定明昌間以醫聞世南渡以來興定中
召補大醫署儒門事親書刊印行

劉守真

劉氏名元素字守真大金河間人也因號河間居士作傷
寒直格素問玄機原病式及醫方精要素問藥證宣明
論方等

張素元

云張元素字潔古因號潔古老人精通方脈尤喜著述有藥註脈訣難經引經主藥潔古家珍補關錢氏方藥性珠囊產育保生方等書行于世昔許文正公語及近代醫巫術謂潔古之書醫中之王道然觀潔古氏藥註疑其草藁姑立意指義例未及成書也今所見者徃徃言論於經不相涉且無文理既言潔古平日著述極醇正此絕不相似不知何自遂及板行反為先生之累豈好事者為之而托為潔古之名耶

張壁

張壁號雲岐子潔古之子也著醫學新說保命傷寒論叔和百問已刊附藥註脈訣內

按歷代名醫圖金有

何公務 侯德和 馬宗素 楊從政 袁景安

元

李杲

李杲字明之自號東垣先生潔古老人之門弟也金亡值元遂為元人著作甚多惟有用藥珍珠囊脾胃論內外傷辨證醫學發明五經活法機要蘭室秘藏瘡瘍論醫學辨惑論等書刊行

王好古

王好古字進之號海藏先生東垣弟子也著仲景詳辨一卷活人節要歌括三備集醫壘元戎湯液本草癰疽論光明論標本論小兒吊書雜著有傷寒辨惑論辨字真論十二經藥圖解仲景一集此事難知

羅天益

天益號謙甫先生東垣弟子也著衛生寶鑑藥家圖又有經驗方

吳恕

吳憲號蒙齋元至元中錢塘人精熟醫家以傷寒證類書列成圖詳其證治名曰傷寒指掌圖

僧繼洪

繼洪號澄寮汝川釋氏精通方脉有淡寮集驗秘方十五卷至元時人

胡士可

胡士可宜豐人元貞時授瑞州路醫學教授以本草圖經藥品三百三十九種編成節要叶韻為歌鏤板印行便於記誦宗立復取諸醫方中常用而胡氏所闕未編入者八十四種悉補增歌括纂圖附註以全之

陳澤民

陳澤民字希元元大德中建陽人善於醫作四時治要方刊于醫家塾

孫允賢

孫允賢文江人元仁宗延祐中選醫集成予先祖彦明公復選宣明按粹等方而附益之是謂醫方大成

李仲南

李仲南號栖碧隱士元延祐中人深為醫藥作錫類錄方今日永類

馮道玄

馮道玄元泰定年間人以醫術行於江淮間尤精小方脉因集全嬰簡易方刻梓崇川書府

薩謙齋

謙齋先生姓薩氏名字未詳元泰定間為建昌郡守公隙之時考訂名醫方書嘗經驗者分門別類為一十五卷錢梓郡庠目其書曰瑞竹堂經驗方本齋教授王都中序其書云

危亦林

亦林號達齋南豐人充本州醫學學錄轉充官醫副提領
集世醫得効方自序曰鼻祖自撫而遷于南豐高祖雲
仙遊學東京遇董奉二十五世孫東授以大方脈還家
而醫道日行伯祖子美復傳婦人正骨金鏃等科大父
碧崖得小方科於周氏伯熙載惟學眼科及療瘵疾至
亦林再參究瘡腫咽喉口齒等科及儲積古方并近代
名醫諸方由高祖至亦林凡五世矣隨證隨効然而方
書浩若滄海卒有所索目不能周乃於天曆初以十三
科名目依按古方參之家傳斯文弗急刻書凡十稔編
次甫成爲十有九卷名曰世醫得効方

滑壽

滑壽字伯仁元至正間許昌人著難經本義

朱彥脩

朱彥脩元至正間人得東垣海藏之傳醫振南方爲一時
名醫之最重者



斗門方楊師方勝金方廣利方靈苑方煙霞方等猶未得
見難稽作者姓名又如孫用和方蘇沈方姚和衆方阮民
望經驗方吳月潭傷寒一覽演山省翁活幼口議仁存孫
氏活法方大監王公鍼灸真生經等雖有板刻以行未能
詳其年代出處又據醫說宋有張子充善能診脉知人生

死及生平貴賤禍福吉凶榮辱尅應如神然予觀之不過
近於相術未足為診候之善是故未敢編取

夫醫之道肇自伏羲流於炎皇嘗百草之滋味始
興醫藥以及黃帝之聖與岐伯等更相問難垂法
後世於是雷公得以受業相傳而內經作矣迨夫
商之伊尹論湯液秦之扁鵲著難經漢仲景啓傷
寒普叔和述脈訣皇甫謐為推川輩皆著書作方
爰隋唐已來真人孫思邈葉天士慈藏等皆有動
天地感鬼神驚人駭俗之藝歷代推為名醫也唐
甘伯宗撰歷代名醫自三皇始而迄於唐繪列成
圖宋許慎齋又錄唐及五季宋金數代之人如通
真子劉元賓潔古老人張素元等序次以續乎伯

宗所作名之曰歷代名醫探源報本之圖然窮其
圖雖顯名醫之名而無傳文可攷未免不有年代
差謬姓名各別之患如趙宋之王纂列於南宋大
唐之蘇恭贅於南梁范汪作注孝崇作宗之類覽
者豈無憾焉予不揣庸愚罔知困陋竊以前圖詳
加校訂訛者正之闕者增之間嘗討尋史子百氏
諸醫方書作為傳義以發乎行事之實復以元人
裨續于後儻或搜求不及姑闕之矣惟我

皇朝混一而來治化文明雍熙盛世醫林中往往有聳然
高明洞達夔邁如前人者甚衆國初徐彥純劉宗
厚劉淵然等而接乎王海截朱彥脩之傳著玉機
微義及濟陰備急等方刊行四方皆為當時之名

醫也宗立徒長山林識見不廣未敢輕易為說以
俟後之君子而續作焉是編既成刊附醫書卷首
展卷則見上古聖賢道藝相傳歷代名醫著方垂
訓功名行迹燦然可觀俾人咸知起敬而不敢忽
則斯道之大而有所自來爾熊宗立拜手敬書時
景泰新元庚午歲也

醫學源流

菅原通友

